



Inatsisartuni ilaasortat
Knud Kristiansen, Siverth K. Heilmann
ATASSUT

§ 37 naapertorlugu apeqqutigineqartunut akissutit - nunatsinni inersimasunut ilinniartitaanerit pillugit

Asasakka Inatsisartuni ilaasortat Knud Kristiansen, Siverth K. Heilmann,
ATASSUT

Naalakkersuisut nunatsinni inersimasunik ilinniartitaanerit pillugit apeqquteqarnissinnut qujaniarput.

Naalakkersuisut sinnerlugit matumuuna ataani allassimallutik apeqqutigisassinnut akissuteqassaanga.

Naalakkersuisunut apeqqut

Inersimasunik ilinniartitsineq pillugu Namminersornerullutik Oqartussat nalunaarutaanni nr. 25-mi 27. december 2000-imeersumi § 2-mi qassinik ukioqalersimanissamik piumasaqaammit immikkut pineqar-nissamik ukiut kingulliit tallimat ingerlaneranni qassit qinnuteqarsimappat?

Inersimasunik ilinniartitsineq pillugu Namminersornerullutik Oqartussat nalunaarutaanni nr. 25-mi 27. december 2000-imeersumi § 2-mi qassinik ukiuqalersimanissamik piumasaqaammit ukiuni kingullerit tallimani immikkut qinnuteqartunit qassit immikkut akuerineqarpat?

Akissut

Apeqqutigineqartut tabelit ataani allassimasut atorlugit akineqarput.

31. aug 2011
Sagsnr. 2011-053877
Dok. Nr. 715475

Postboks 1029
3900 Nuuk
Tlf: +299 34 50 00
Fax: +299 32 20 73
Email: killn@nanoq.gl
www.nanoq.gl

Tabel 1: 2005-imit 2010-mut immikkut akuerineqarnissamik qinnuteqaatit, itigartitsinerit akuersissuteqarnerillu

2005 - 2010	Immikkut akuerineqarnissamik qinnuteqaatit	itigartitsinerit	Akuerineqartut
B/A	14	3	11
J/M	3	0	3
Nin. Qaqortoq	0	0	0
Nin. Nuuk	0	0	0
INUILI	1	0	1
Katillugit	18	3	15

Naalackersuisut erseqqissaatigissavaat piffissami 2005-imiit 2010-mut qassinik ukioqalersimanissamik piunasaqaatinit immikkut akuerineqarnissamik qinnuteqaatit amerlanersaat akuerineqarsimmamata.

Naalackersuisunut apeqqut:

Allakkamini akissummini 5. oktober 2010-meersumi (EM 2010/60) Kulturqarnermut, Ilinniartitaanermut, Ilisimatusarnermut Ilageeqarnermullu Naalackersuisup taavaa 2009-mi inuussutissarsiutinik ilinniagaqarumallutik qinnuteqartut 78 %-ii 17-iniit 25-nut ukioqartut. Qinnuteqartut ukioqatigiikkuutaanut qanoq aggu-arsimappat? Qinnuteqartunit qassit 17 inorlugit aammalu qassit 25 qaangerlugit ukioqarpat qinnuteqartu-nullu sanilliullutik qanoq imerlassuseqarpat? Ajornangippat ukioqatigiiaanun immikkoortiterlugit.

Akissut:

Siullermik Naalackersuisut erseqqissaatigissavaat akissummi 5. november 2010-meersumi (UKA 2010/60) allassimangimmat 2009-mi inuussutissarsiutinut ilinniarnernut qinnuteqartut 78 %-ii 17-iniit 25-inut ukioqartuusut.

Akissummi 5. oktober 2010-meersumi (UKA 2010/60) Naalackersuisut ima allapput: ... "qinnuteqartartut 17-iniit 25-inut ukiullit amerlassusaat 17-iniit 35-inut ukiulinnit qinnuteqartartunit tamarmiusunit procentingorlugit 78 procentiummata".

Apequtigineqartut tabel-i ataani allassimasutigut akineqarput.

Tabel 2: 2009-mi Inuussutissarsiuutitigut tunngaviusumik Ilinniartitaanernut qinnuteqartut, 17-25-inut ukiullit

Ukiut 31/12-2009-mit	amerlassusaat	Procentinngorlugu
25	68	4,3%
24	94	5,9%
23	90	5,7%
22	107	6,7%
21	136	8,6%
20	141	8,9%
19	147	9,2%
18	157	9,9%
17	88	5,5%
17-25-inut ukiullit tamakkerlugit	1028	64,7%

Tabel 3: 2009-mi Inuussutissarsiuutitigut tunngaviusumik Ilinniartitaanernut qinnuteqartut, 17-t inorlugit ukiullit 25-illu qaangerlugit ukiullit:

A: 17-t inorlugit ukiullit:

Ukiut 31/12-2009-mit	amerlassusaat	Procentinngorlugu
16	64	4,0%

B: 25-t qaangerlugit ukiullit:

Ukiut 31/12-2009-mit	amerlassusaat	Procentinngorlugu
50+	24	1,5%
49	7	0,4%
48	6	0,4%
47	9	0,6%
46	9	0,6%
45	18	1,1%
44	12	0,8%
43	11	0,7%
42	15	0,9%

41	16	1,0%
40	13	0,8%
39	15	0,9%
38	14	0,9%
37	7	0,4%
36	15	0,9%
35	10	0,6%
34	11	0,7%
33	21	1,3%
32	19	1,2%
31	23	1,4%
30	27	1,7%
29	40	2,5%
28	57	3,6%
27	51	3,2%
26	48	3,0%
25-t qaa- ngerlugit ukiullit tamakker- lugit	498	31,3%

Naalackersuisunut apeqqu:

Allakkani akissutaasuni 5. oktober 2010-meersuni (EM 2010/60) Naalackersuisup inersimasunik ilinniartitsi-nermi ukiussarititaasut appartinneqarnissaannut tunngatillugu oqaaseqaataa sinnassaataaginnarsimanerpa? Matumani Danmarkimi misilittakkat ilaatigut eqqarsaatigaagut, tassami Danmarkimi inersimasutut lærlingingorsinnaassagaanni 25-nik ukioqalersimasariaqarmat?

Akissut:

Naalackersuisut akissuteqarnermini 5. oktober 2010-meersumi (UKA 2010/60) isumaqanngillat inersimasutut ilinniartitaanerit sinnassaataasut. Akissummi imatut allassimasoqarpoq: ... "siunnersuutip annertunerpaamik kingunerisinnaasaa tassaasinnaavoq, inuusuttut inuusuttunut ilinniartitaanerit ilinniartariaqartunut piumassuseerutsisisinnaasoq."

Soorlu Naalakkersuisut oktobarip 5-ni akissuteqarnerminni eqqaagaat Naalakkersuisut isumaqartut inuussutissarsiutinut ilinniarnernut qinnuteqartut 17-iniit 25-inut ukiullit amerlanersaat inersimasunut ilinniartitaanernut qinnuteqarsinaasutut periarfissaqalertinneqassanngittut.

Peqataanik Naalakkersuisunit erseqqissassallugu pingaaruteqarpoq inuusuttut inersimasunut ilinniartitaanernut taamaalillutillu inuusuttunut ilinniarnertit qaangiinnarlugit utaqqisarnissaat pinngitsoortittariaqartoq.

Eqqorpoq Danmarkimi inersimasunut ilinniartitaanernut ukiut killigitinneqartut 25-iummata.

Danmarkimi inersimasunut ilinniartitaanernut aqqissuussineq AER "Arbejdsgivernes Elevrefusion" aqutugalugu aningaasalersorneqarpoq, tassungalu namminersorlutik suliffiutillit pisortallu AER-imut tapiissuteqartarput.

Nunatsinni Inersimasunut ilinniartitaanernut aqqissuussineq konto 40.91.05 aqutugalugu aningaasanut inatsimmi aningaasalersorneqarpoq.

Taamaammat Naalakkersuisut peqatigitillugu isumaqarput nunatsinni inersimasunut ilinniartitaanernut aningaasartuutit qaffasissusaat ukiut killigitinneqartut 26-inut inissinnerisigut qaffariassanngittut inersimasunut ilinniartitaanernut qinnuteqaatit amerleruloornerisigut.

Tungavilersuutit taakku marluusut inersimasunut ilinniartitaanernut ukiut killigitinneqartut 30-niiginnarnissaannut Naalakkersuisut kissaateqarnerannut pingaaruteqarput.

Naalakkersuisunut apeqqut:

Sunarpiarmitaava Naalakkersuisut ilimagaat, inersimasutut ilinniartunngorsinnaassagaanni ukiut 30-niit 26-nut appartinneqarneratigut inuusuttut amerlanerusut inersimasutut ilinniarnerminnik aallartitsisarnerat inuiaqatigiinnut akisunerulerumaartoq?

Akissut:

Apeqqutigineqartoq tamanna assersuuteqarnikkut erseqqinnerusumik akineqarsinnaavoq.

Assersuut: sanasunngorniarneq – inuusuttuulluni lærlingit / inersimasuulluni lærlingit

Sanasunngorniartoq inuusuttuulluni lærlingiusoq ukiuni sisamani ilinniarnermi sapaatip akunnerini 60-ini atuarfimmiittussaavoq. Tassalu matumani qaammatini 15-ini atuarfimmiinnissaq pineqarpoq qaammammut 4.200 kr.-init ilinniagaqarnersiutigalugit. Atuarneq tamakkerlugu ilinniagaqarnersiutit katillugit 63.000 kr.-nit tunniunneqassapput.

Inuusuttuulluni lærlingiusoq ilinniarnermut atatillugu sulinermi sulisitsisuminit akissarsiaqartinneqarpoq.

Sanasunngorniartoq inersimasuulluni lærlingiusoq ilinniarnermi sapaatip akunnerini 50-ini atuarfimmiittussaavoq. Tassalu matumani qaammatit 12-t affarlu atuarfimmiinnissaq pineqarpoq qaammammut pikkorissarnermut aningaasarsiaritinneqartut 13.445 kr.-it tunniunneqartartussaallutik.

Atuarneq tamakkerlugu pikkorissarnermut aningaasarsiaritinneqartut katillugit 63.000 kr.-nit tunniunneqassapput. Inersimasuulluni lærlingiusoq ilinniarnermut atatillugu sulinermi sulisitsisuminit akissarsiaqartinneqarpoq.

Soorlu takuneqarsinnaasoq ukiunut killissarititaasup 26-inut appartinneratigit inuusuttut amerlanerusut inersimasunut ilinniartitaanermik aallartissagaluarpata inuiaqatigiinnut akisunerulersussaavoq.

Inussiarnersumik inuulluaqqusilluta

Med venlig hilsen



Palle Christiansen